

**Broj:01/I-245-19/16**  
**G.Dubrave, 09.05.2016.godine**

Na osnovu člana 69. stav 1. alineja a), člana 70. Zakona o javnim nabavkama BiH (Službeni glasnik Bosne i Hercegovine broj: 39/14) te prijedloga Komisije za provođenje postupka nabavke rabljenog cargo utovarivača za opslugu teretnih zrakoplova utvrđenog u zapisniku broj: 01/I-245-18/16 od 06.05.2016.godine, u ime uprave Direktor JP «Međunarodni aerodrom Tuzla» d.o.o.,  
d o n o s i:

**O D L U K U**  
**o izboru najpovoljnijeg ponuđača**

Ponuda ponuđača T.P.“OMERBAŠIĆ“ D.O.O. iz Tešnja, proglašava se najpovoljnijom, te se imenovanom ponuđaču dodjeljuje ugovor za nabavku rabljenog cargo utovarivača za opslugu teretnih zrakoplova.

Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

***O b r a z l o ž e n j e***

Ugovorni organ je na osnovu Obavještenja o nabavci broj: 527-1-1-4/16 od 10.03.2016. godine, proveo postupak prikupljanja ponuda za nabavku rabljenog cargo utovarivača za opslugu teretnih zrakoplova putem otvorenog postupka, te je rok za dostavljanje ponuda bio 26.04.2016.godine do 09:00 sati. Javno otvaranje ponuda izvršeno je u 09:30 časova 26.04.2016.godine.Pristigle su tri ponude, što je konstatovano Zapisnikom sa otvaranja ponuda broj: 01/I-245-14/16 od 26.04.2016.godine.

Procijenjena vrijednost nabavke je 300.000,00 KM.

Predstavnici dva ponuđača su prisustvovali otvaranju ponudu.

Zapisnik sa otvaranja ponuda u skladu sa ovlaštenjima predstavnika uručen je istima lično, dok je dostavljanje zapisnika trećem učesniku postupka nabavke izvršeno u zakonskom roku.

Nakon izvršenog otvaranja ponuda, istog dana tj. 26.04.2016.godine u 12:00 sati, Komisija je pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, izmjenama i dopunama tenderske dokumentacije ( u daljem tekstu: tenderska dokumentacija) odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

II Shodno navedenom zapisniku sa otvaranja ponuda, Komisija konstatuje da su pristigle 3 (tri) ponude slijedećih ponuđača:

1. Ponuđač „BARTOSH“ AirportSupplyServicesGmbh, čija ukupna cijena ponude sa uračunatim popustom iznosi 118.465,00 EUR, odnosno po srednjem kursu Centralne banke preračunato cijena ponude iznosi 231.697,40 KM bez PDV-a, na dan otvaranja ponuda,

2. Ponuđač „GLOVIS“ D.O.O. ZENICA, čija ukupna cijena ponude iznosi 288.895,00 KM bez PDV-a;
3. Ponuđač T.P. „OMERBAŠIĆ“ D.O.O. , čija ukupna cijena ponude iznosi 194.900,00 KM bez PDV-a.

Daljim uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponude sva (tri) ponuđača imaju manje formalne nedostatke , tj. u ponudi ponuđača „BARTOSH“ AirportSupplyServicesGmbH nisu svi listovi parafirani i isti nije dostavio izjavu ukoliko bude izabran kao najpovoljniji da će dostaviti Obrazac EUR 1.

Ponuđač „GLOVIS“ D.O.O. Zenica u ponudi nije koristio obrasce iz Izmjena i dopuna tenderske dokumentacije gdje je U prilogu 3 Obrazac za cijenu ponude u dijelu „Napomena“ alineja 3 zamijenjena i glasi:

„Ponuđač se obavezuje da će prije isporuke robe, o svom trošku omogućiti uvid u ispravnost robe predstavnicima ugovornog organa o čemu će se sačiniti zapisnik.

Nakon isporuke ponuđene robe sačinit će se zapisnik o primopredaji.“

Novi obrazac za cijenu ponude sastavni je dio ovih Izmjena i dopuna tenderske dokumentacije

Također i treći ponuđač T.P. „OMERBAŠIĆ“ D.O.O. nije koristio obrasce iz Izmjena i dopuna tenderske dokumentacije, iako su im Izmjene i dopune tenderske dokumentacije uredno dostavljene.

Na osnovu gore navedenog Komisija je konstatovala i zauzela stav da utvrđeni nedostaci nisu suštinske nego formalne prirode i da treba pristupiti vrednovanju ponuda po kriterijumu koji je naveden u Tenderskoj dokumentaciji, tj po kriterijumu „NAJNIŽA CIJENA“.

Slijedom navedenog ponuđaču T.P. „OMERBAŠIĆ“ D.O.O. upućen je akt broj: 01/I-245-15/16 od 27.04.2016.godine u kojemu smo tražili informaciju gdje se nalazi ponuđeni cargo utovarivač, i kada i kako će obezbijediti predstavniku JP „Međunarodni aerodrom Tuzla“ d.o.o. da izvrši uvid i provjeru tehničkih karakteristika ponuđenog.

Ponuđač je aktom protokolisanim kod JP „Međunarodni aerodrom Tuzla“ d.o.o, broj: 01/I245-16/16 od 28.04.2016.godine, odgovorio da se vozilo nalazi na aerodromu Liege, te da će predstavniku JP „Međunarodni aerodrom Tuzla“ d.o.o. biti kupljena karta za utorak 03.05.2016.godine da izvrši uvid i provjeru tehničkih karakteristika ponuđenog vozila.

Na službeni put kao ovlašteni predstavnik JP „Međunarodni aerodrom Tuzla“ d.o.o. upućen je zaposlenik Imamović Ahmet, koji je dana 03.05.2016.godine izvršio uvid i provjeru tehničkih karakteristika ponuđenog te o svemu sačinio detaljan izvještaj u prilogu kojeg je sačinio i fotodokumentaciju, te isti dostavio Komisiji za provedbu ovog postupka.

III Slijedeći sastanak komisije održan je 06.05.2016.godine sa početkom u 13:00 sati. Komisija je analizirala dostavljeni izvještaj i fotodokumentaciju, i kako je po osnovu izvještaja ponuđeni cargo utovarivač odgovarao tehničkim karakteristikama iz Tenderske dokumentacije, Komisija je jednoglasno konstatovala da treba utvrditi rang listu ponuđača po kriterijumu „NAJNIŽA CIJENA“, kako slijedi:

1. Ponuđač T.P. „OMERBAŠIĆ“ D.O.O. , čija ukupna cijena ponude iznosi 194.900,00 KM bez PDV-a,
2. Ponuđač „BARTOSH“ AirportSupplyServicesGmbH, čija ukupna cijena ponude sa uračunatim popustom iznosi 118.465,00 EUR, odnosno po srednjem kursu Centralne banke preračunato cijena ponude iznosi 231.697,40 KM bez PDV-a,
3. Ponuđač „GLOVIS“ D.O.O. ZENICA, čija ukupna cijena ponude iznosi 288.895,00 KM bez PDV-a.

Polazeći od gore navedenih konstatacija i utvrđene rang liste ponuđača, Komisija za provođenje postupka za nabavku rabljenog cargo utovarivača za opslugu teretnih zrakoplova,

konstatovala je da postoje uslovi izbor najpovoljnijeg ponuđača i dodjelu ugovora istom u skladu sa članom 70. Zakona o javnim nabavkama BiH.

Na osnovu prijedloga Komisije za provođenje postupka za nabavku rabljenog cargo utovarivača za opslugu teretnih zrakoplova, ovlaštenu organ ugovornog organa donio je odluku kao u dispozitivu.

**PRAVNA POUKA:** Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

**Dostavljeno:**

3 x Ponuđačima

1 x Evidenciji

1 x a/a



**DIREKTOR**

**Rifet Karasalihović**